

ՀՀ պետական եկամուտների կոմիտեի նախագահի
«05» հունիսի 2023թ. N 560-Լ հրամանի
05100010/ 12.06.2023/ 00001466
(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
Երևանի մաքսային սպասարկման կենտրոն-մաքսատուն, վարչություն
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«12» հունիս 2023թ.

ք. Երևան

Ես՝ Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, քննելով «Ռադ Սանե Վաշամիր Գրուպ» ՍՊ ընկերության (ՀՎՀՀ՝ 06953496) տնօրեն Արայիկ Վալոդյայի Ասրյանի (անձը հաստ. փաստ. 751186634, հասցե՝ ՀՀ, Լոռու մարզ ք. Վանաձոր, Բաթումի փող., 3 շ., 2 բն.) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Ռադ Սանե Վաշամիր Գրուպ» ՍՊ ընկերության անվամբ 05100010/190520/0025795 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել են ապրանքներ: Օրենքով սահմանված կարգով ԱԱՀ-ի՝ 408,139 ՀՀ դրամի չափով վճարումը հետաձգվել է երեք տարի ժամկետով՝ մինչև 19.05.2023թ-ը, սակայն ԱԱՀ-ի վճարումը «Ռադ Սանե Վաշամիր Գրուպ» ՍՊ ընկերության կողմից սահմանված ժամկետում չի կատարվել:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության փաստաթղթային հսկողության և գանձումների համակարգման բաժնի գլխավոր մաքսային տեսուչի կողմից «Ռադ Սանե Վաշամիր Գրուպ» ՍՊ ընկերության տնօրեն Արայիկ Վալոդյայի Ասրյանի նկատմամբ կազմվել է մաքսային կանոնների խախտման վերաբերյալ արձանագրություն՝ մաքսային կարգավորման մասին ՀՀ օրենքի 318-րդ հոդվածի հատկանիշներով, որը ուղարկվել է նրան, ինչպես նաև տեղեկացվել է նշանակված գործի քննության և իր իրավունքների մասին:

ՀՀ մաքսային կարգավորման օրենքի 332 հոդվածի համաձայն մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի

բացակայությամբ: Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս:

Գործի քննությամբ բացահայտվել է՝ որ 05100010/190520/0025795 ապրանքների հայտարարագրով «Ներքին սպառման համար բացթողում» մաքսային ընթացակարգով ապրանքների համար ներմուծման հարկը սահմանված ժամկետում չի վճարել, որով խախտվել է ԵԱՏՄ մաքսային օրենսգրքի 57-րդ հոդվածով սահմանված պահանջը:

Հիմք ընդունելով մաքսային կարգավորման մասին ՀՀ օրենքի 318-րդ հոդվածը՝

Ո Ր Ո Շ Ե Ց Ի

1. «Ռադ Սանե Վաշամիր Գրուպ» ՍՊ ընկերության տնօրեն Արայիկ Վալոդյայի Ասրյանի նկատմամբ նշանակել **տուգանք՝ 10,000 ՀՀ դրամի չափով:**

2. ՀՀ մաքսային կարգավորման մասին 334-րդ հոդվածի 2-րդ կետով որոշումն ուժի մեջ է մտնում այն կայացնելու պահից և նույն հոդվածի 4-րդ կետի համաձայն վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով՝ մաքսային մարմնի բողոքարկման հանձնաժողով, այն ուժի մեջ մտնելու օրվանից երկու ամսվա ընթացքում կամ դատական կարգով:

ՀՀ պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության

Ղեկավարի տեղակալ՝ Աղասի Աղայան
(անուն, ազգանուն)

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի (ստորագրություն))

ներկայացուցչի անունը, ազգանունը, հայրանունը և լիազորությունը հաստատող փաստաթղթի տվյալները)

«__» _____ 2023 թ.
(որոշման օրինակի ստացման ամսաթիվը)

Ծանոթություն. Սույն որոշմամբ նշանակված տույժի գումարը ենթակա է վճարման Կենտրոնական գանձապետարանի №900005024055 **հաշվեհամարին 27 ծածկագրով:**

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կատարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: